

Interim resultate vir 31 Oktober 2014

Senwes, deel in die tweede grootste mielieoes.



Senwes is 'n geïntegreerde landboudienstebesigheid geïntegreer in die graan-waardeketting en bied besigheidsooplossings tussen die plaashek en die verwerker. Senwes verskaf produksie-insette en kapitaalgoedere aan hoofsaaklik die graanprodusent, waarna toegang tot die mark vir die kliënt se oesopberging bewerkstellig word. Finansiering en logistieke dienste word verskaf aan kliënte ten einde waarde toe te voeg tot die kerndienste wat Senwes lewer. Sake word hoofsaaklik in die Vrystaat, Noordwes, Gauteng, Mpumalanga, Suid-Kaap en Noord-Kaap bedryf.

FINANSIËLE HOOGTEPUNTE		6 maande tot 31 Oktober		Jaar tot 30 April	
		2014	2013	2014	
Kern finansiële inligting					
Omset	(R'm)	↑ 5,5%	5,302	5,027	11,476
EBIT Operasioneel	(R'm)	↑ 92,3%	248	129	342
Wins na belasting	(R'm)	↓ 34,5%	114	174	251
Genormaliseerde wesensverdienste p/a	(s)	↑ 41,0%	73.3	52.0	99.0
Netto batewaarde p/a	(s)	↑ 7,0%	1006.2	940.7	958.1
Beleggingstatistiek					
Interim dividend p/a	(s)	↓ 7,7%	24	26	
Opbrengs op ekwiteit (op genormaliseerde wesensverdienste)	(%)	↑ 2,1%	7.6	5.7	

Finansiële en operasionele oorsig

'n Styging van 41% in genormaliseerde wesensverdienste vir die eerste ses maande van die 2015 finansiële jaar het weereens die onvoorspelbaarheid, volatiliteit maar veral die herstelvermoë van die landboubedryf bewys. Na twee opeenvolgende droogte-jare sou die verwagte herstelpad na normaal twee tot drie seisoene duur. Graanvoor-raadvlakke was op rekord laagtepunte, spanderingsvermoë van klante laag weens die droogte en boonop het die sakevertroue 'n knou gekry, veral teen die agtergrond van die gronddebat wat aanvanklik gesukkel het om rigting te kry.

Reën het egter in oormaat en op die regte tyd geval en teen alle verwagtinge in is die tweede grootste mielieoes in die geskiedenis van Suid-Afrika geproduseer.

Senwes se omset het gegroei met 5.5% na R5,3 miljard en die bruto wins het teruggekeer na R579 miljoen vanaf R499 miljoen einde Oktober verlede jaar. 'n Netto wins na belasting van R114 miljoen is vir die eerste ses maande van die 2015 finansiële jaar behaal, wat 34,5% laer is as die ooreenstemmende vorige jaar tydperk. Ingesluit in die vorige jaar wins na belasting van R174 miljoen, was die wins met die kleinhandelsbesigheidsamevoeging met AFGRI ten bedrae van R118 miljoen.

Die Afrika-besighede is gedurende die termyn geherstruktureer en oorgrenstransaksies sal in die toekoms vanuit Senwes gefasiliteer word. Die konsolidasiepoging tussen Senwes se houermaatskappy, Senwesbel, en NWK Beherend is nie goedgekeur deur die toepaslike aandeelhouderskorps nie en Senwes sal konsolidasie en operasionele samewerkingsgesprekke met alle rolspelers voorsit.

Die balansstaat het heelwat vinniger gedraai en die opbrengskoerse het gevolglik verhoog. Kontantvloei van R294 miljoen is uit bedrywighede gegeneer en R23 miljoen is teruggeploeg in kapitaalprojekte. Die netto batewaarde per aandeel het verhoog van R9,58 /a op 30 April 2014 na R10,06 /a teen einde Oktober 2014, selfs nadat 'n finale dividend van 22 s/a betaal is gedurende September 2014.

Oorsig en vooruitskouing op besigheidsemente

Marktoegang

Graan ontvang deur die silonetwerk van Senwes het met 74,8% verhoog, ten spyte van die negatiewe impak van die lae oordragvoorraad. Sagtekommoditeitspryse het op die verhoogde volumes gereageer en oeste is teen gemiddeld 25% laer as die vorige jaar gelikwider.

'n Groot nasionale mielie-eindvoorraad is in die vooruitsig en sal momentum aan die besigheidseenheid verskaf, selfs in die 2de semester van die finansiële jaar, wat tradisioneel gekenmerk word deur laer winsgewendheid.

31%

Wins uit
bedryfsaktiwiteite
R97 miljoen

Insetkanaal

Die 2014-15 plantseisoen is laat en groter onsekerheid het vir 'n groot deel van die eerste ses maande van Senwes se finansiële jaar geheers rondom aanplantings vir die nuwe seisoen, gegewe relatiewe lae kommoditeitsprysvlakke, sowel as laat reëns. Omsette was ten spyte hiervan 11,2% hoër as die vorige jaar en bruto wins het 'n verbetering van R29,7 miljoen tot gevolg gehad wat toon dat Hinterland, die gesamentlike kleinhandelonderneming met Afgri, besig is om sy model suksesvol uit te rol.

61.5%

Wins uit
bedryfsaktiwiteite
R42 miljoen

Finansiële Dienste

Die kredietboek het sy terugbetalingsvermoë oor tyd bewys, maar groter wisselvalligheid en uiterstes het gedurende die seisoen voorgekom. Die boek is goed verseker en die uitstaande 2014 somerproduksieskuld het 8,4% (2013: 10,7%) op 31 Oktober be-loop. Aansoek vir die nuwe seisoen is goed op dreef, maar die uitstelreëlings van insetverskaffers kan die opname van krediet inkort en druk plaas op finansieringsmarges.


56%

Wins uit
bedryfsaktiwiteite
R50 miljoen

Interim dividendverklaring

'n Interim dividend van 24 s/a (2013: 26 s/a) is verklaar vir alle aandeelhouders geregistreer as sulks op die aanderegister op 8 Desember 2014 en sal betaal word teen 12 Desember 2014.

Op las van die Raad van Direkteure.


JDM Minnaar
Voorsitter


F Strydom
Besturende Direkteur

Klerksdorp
5 Desember 2014

*n Stel verkorte state vir die periode geëindig 31 Oktober 2014 is beskikbaar op die internet by www.senwes.co.za of kontak die maatskappysekretaris, EM Joynt, by 018 464 7104 of per e-pos by elmarie.joynt@senwes.co.za

DIREKTORE: JDM Minnaar (Voorsitter), SF Booysen (Ondervoorsitter), F Strydom (Besturende Direkteur)*, CF Kruger (Finansiële Direkteur)*, Z Bassa, JBH Botha, AJ Kruger, NDP Liebenberg, J Maswanganyi (Strategie, Volhoubaarheid en Korporatiewe Dienste Direkteur)*, JJ Minnaar, AK Olivier **, R Redfearn, TF van Rooyen, WH van Zyl **Mpy.Sekretaris** EM Joynt * (Uitvoerend) ** (Alternatief)